

Stagner AFQ

Stagnera AFQ

Gebäudetechnik, Innenausbau

Bau, Energie

Durada

4 onns

Terminaziun

Eidgenössisches
Fähigkeitszeugnis EFZ

Indicaziuns davart il salari

1. onn d'emprendissadi: CHF
850.-
2. onn d'emprendissadi: CHF
1200.-
3. onn d'emprendissadi: CHF
1400.-
4. onn d'emprendissadi: CHF
1600.-

Sco stagnera u stagner protegias ti tetgs e fatschadas cunter plievgia, naiv, granella, vent e sulegl. Ti produceschas elements da construcziun sco bishens e roms da fanestras. Ti fixeschas surtratgas spezialas vi da paraids exteriuras d'edifizis. Cun tia lavur contribueschas ti a l'effizienz energetica d'edifizis.

Incumbensas

Planisar las lavurs ed endrizzar il plazzal

- guardar plans e far mesiraziuns al lieu
- cun meds auxiliars digitalis far dissegns d'elements da construcziun per tetgs plats e tetgs spundivs
- cussegliar la clientella e recumandar mantelladas da fatschadas adattadas
- calcular ed empustar la quantidad dal material necessari
- organisar il transport e la magasinaziun dal material e la segirezza sin il plazzal, p.ex. cun puntanadas u tavlas
- planisar ils singuls pass da la producziun e da la montascha

Producir elements da construcziun en il lavuratori

- producir construcziuns da lain e da metal che vegnan duvradas per montar ils elements da construcziun
- transferir las dimensiuns exactas per bishens da deflussiun u da ventilaziun sin la tola
- tagliar tolas cun forschs electricas, resgias u maschinas CNC ed en quest connex observar las prescripziuns da segirezza
- storscher, squadrar e smatgar tolas, metter ensemen parts, p.ex. struvegiar, rebatter e buglir
- producir elements decorativs sin mesira

Montar ils elements da construcziun sin il plazzal

- metter stresas d'isolaziun vi da fatschadas e tetgs e montar surtratgas e cuvridas
- montar elements prefabritgads sco fanestras da tetg, foras da glisch, allontanaziuns d'aua da terrassa, systems da retegnair la naiv u systems da segirezza
- fixar, colliar ed installar bischens e chamins
- installar parachametgs ed indrizs solars tenor las indicaziuns dals furniturs e laschar colliar quels da persunas spezializadas d'electricidad
- far la controlla finala e scriver rapports

Reparar e mantegnair

- far lavurs da reparatura, isolar sfessas
- demontar e dismetter materials en moda ecologica
- tegnair en urden urdains e maschinas

Ambient da lavur

Sco stagnera u stagner lavuras ti en lavuratori e sin plazzals. Sin il plazzal lavuras ti da tutt'aura en il liber. En quest connex portas in equipament da protecziun cun chapellina, egliers e chalzers da segirezza. Tes temps da lavur èn regulars, ma i dat fasas intensivadas cun blera lavur per observar terminis.

Ti lavuras en stagnerias, en manaschis sanitars e da stagneria ubain en manaschis da stagneria e cuvratetgs, per il solit en manaschis pitschens u mesauns. Cun dapli experientscha pos ti surpigliar posiziuns da responsabladad e daventar p.ex. manader da team u manadra da plazzal. Ti pos er ta spezialisar sin la cussegliaziun da la clientella u surpigliar direcziuns da projects.

Pretensiuns e interess

Pretensiuns

- Inschign manual
- Senza sturnizi
- Abilitad da lavurar en in team
- Imaginaziun tridimensiunala
- Gronda toleranza da canera
- Prontezza d'esser savens sin viadi
- Resistenza corporala
- Chapientscha tecnica

Interess

- Elavurar metal
- Lavurar cun ils mauns
- Esser corporalmain activ

Scolaziun

Manaschis

Furmaziun pratica en ina stagnaria: 4 dis per emna

Scola

1 di per emna en las scolas professiunalas spezialisadas chantunalas

Curs odaifer il manaschi

En plirs chantuns: 51 dis durant 4 onns

Scola a temp cumplain

Tut las scolas

<https://www.berufsberatung.ch/de/suche/aus-weiterbildungen?profession=57020&language=5239>

Durada

4 onns

Cundiziuns d'admissiun

Terminà la scola obligatorica

Maturitad professiunala

Sche las prestaziuns da scola èn fitg bunas, pon las emprendistas ed ils emprendists frequentar supplementarmain la scola da maturitad professiunala.

Titel da finiziun

Furmaziun cuntinuonta

Curs

Purschidas da l'associaziun **suissetec** ↗

<https://suissetec.ch/de/kurse.html>

Emprendissadi complementar

Sco stagnera u stagner AFQ pos ti per regla far in emprendissadi scursanì da constructura u constructur da ventilaziuns AFQ, d'installatura sanitaria u installatur sanitar AFQ ubain installatura u installatur d'indrizz solars AFQ.

Examen professiunal (EP)

- Polier stagner / Poliera stagnera EP
- Spezialist / Spezialista da buglir EP / international welding specialist

Examen professiunal superiur (EPS)

- Maister stagner / Maistra stagnera EPS

Scola spezialisada superiura (SSS)

- Tecnicist / Tecnicista d'edifizis SSS

Scola auta spezialisada (SAS)

- Bachelor of science en tecnica d'edifizis / energia

Tut tenor la scola auta spezialisada valan differentas cundiziuns d'admissiun.

Professiuns sumegliantas

Ulteriuras infurmaziuns

Swissdoc Nummer

TODO

Schweizerisch-Liechtensteinischer Gebäudetechnikverband (suissetec)

<https://www.suissetec.ch>

Technische Fachschule Bern

<https://www.tfbern.ch>

www.toplehrstellen.ch

<https://www.toplehrstellen.ch/>

www.bildung.suissetec.ch

<https://bildung.suissetec.ch/>

TODO

<https://www.becc.admin.ch/becc/public/bvz/beruf/show/45405?lang=de>